





Digitized by the Internet Archive  
in 2019 with funding from  
Wellcome Library

<https://archive.org/details/b3076841x>



DISPUTATIO MEDICA INAUGURALIS

exponens Casum

De

FEBRE PETECHIALI,

Quam

Juvante DEO

Ex Decreto Gratioſiſſimæ Facultatis Medicæ  
in Almâ Eberhardinâ,

Sub Præſidio

VIRI

Nobilissimi, Amplissimi, Excellentissimi,

DN. ELIÆ RUDOLPHI CAMERARII,

Phil. & Med. D. hujusque Prof. Primarii; Sere-

niss. Würt. DUCIS Consilarii & Archiatri,

Dn. Patroni, Præceptoris, & Promotoris sui, sanctissimè & Patris  
loco ad bustum usque devenerandi,

Pro Licentia

Summos & Doctores in Medicinâ Honores atque

Privilegia ritè impetrandi,

Publico Eruditorum Examini submittit

JOHANN. WILHELM MÜLLER/ Hoënloicus,

Designatus Physicus Herrenbergensis.

Ad d. 6. Maji,

IN AULA NOVA.

TUBINGÆ,

Typis JOHANN-CONRADI REISL,

Anno M. DC. XCIII

MEDICAL SOCIETY OF LONDON

126



REIPUBLICÆ HERRENBERGENSIS  
MAGISTRATUI SPECTATISSIMO.

V I R I S

*Pranobili, Amplissimo, Nobilibus, Prudentissimis,  
Judiciiue dexteritate & integritate Conspicuis*

DN. PRÆFECTO.

DN. POLIGRAMMATEO.

DNN. CONSULIBUS.

reliquisq; Senatorii Ordinis, qui Herrenbergæ est,  
Assessoribus Meritissimis.

*Dnn. Patronis & Fautoribus suis  
omni honoris cultu prosequendis*

Pagellas has inaugurales

in sui ulteriorem Commenda-  
tionem,

*dedicat*

Author.



Σ. Θ.

## HISTORIA.

**F**œmina annorum 34. ab hostili milite è laribus pulsa, in exilium acta, non solum terroribus multum macerata, sed & pedes in itinere sub aëre pluvio frigido valde fatigata, emaciata, postquam domum redux aliquandiu suam iterum curasset rem familiarem, inopinatò corripitur rigore, cum subsequente calore fervido, ac capitis dolore. Ipsa Erysipelas, ut nostri sæpè febres ephemeræ aut synochas 3. vel 4. dierum vocant, sibi familiare hunc affectum judicans Roob Sambuci cum aq. Card. bened. assumit, sudorem proleçtura, qui tamen paucissimus ac levis subsequitur: Cùm verò ad quintum usque diem nulla succederet alleviatio, sed cum cephalalgia intensa maxima virium dejectio increşceret, Medicum vocari curat, qui ipsam invisens conquerentem submissâ debili voce audit de cephalalgia singulari, de cardialgia indicibili, de compressione præcordiorû summa, calore fervido, siti intensissima, observat pulsum frequentem, celerem, debilem, membrorû tremores, subsultationes, urinam multum tinctam, sed cum nubecula: percipit menstruum fluxum hætenus ordinarium sed parciorem quàm aliàs ante octiduum cessasse. Præscribit assumendam sq. potiunculam cum proleçtione subsequa sudoris:

℞. Aq. Card. bened.

Scorzoner.

flor. tilia aa. ʒi.

Elect. diascord. Frac. ʒiʒ.

Syr. acetosell. ʒiij.

Mixt. simpl. gtt. vjj. M. D.

Sequenti die manè agram denuò visitans cernit in pectore, facie, ac manibus maculas rubras, fuscas, paucas lividas, quas ob hoc tempore grassantes febres petechiales mox petechias insignit, suadens, ut pulvis cum mixturâ seq. modo in usum ducatur:

℞. Pulv. Pannon. rubr.

alexipharmac. m. d.

C. C. phil. calcin. aa. ʒj.

Cinab. nativ. ʒj. M. f. Pulv. f. Pulver/ davon alle

3. Stund 3. Messerspiß voll zu nehmen.

A

Aq.



℞. Aq. acetosell.

scorzoner. aa. ℥iij.

Syr. acetosell. ℥vj. M. D S.

Wasser/ davon offt ein paar Löffel voll zunehmen.

ut unâ nocte hor. 9. circiter seq. pilulæ, alterâ sq. Emulsio assuman-  
tur,

℞. Extract. bezoard. m. d. gr. vj.

castor.

pæon.

ruth. aa. gr. i. M. f. pil. pond. gr. j. deaur.

℞. Sem. 4. frig. excort. aa. ℥j.

papav. alb.

napi aa. ℥j.

f. c. Aq. nymphææ.

acetos. aa. ℥j. M. D.

Pro potu ordinario decoct. C. C. cum modic. fœnicul.

Die 8. disparentibus maculis ægra de nullo ampliùs dolore queru-  
la, taciturna, fixis oculis adstantes intuens, potum non petens ali-  
quandiu jacet, ad interrogata tamen respondet, sub vesperam ve-  
rò aphona, absq; ullius membri motu, rigidis extremis jacet ad al-  
terum usq; diem, sub cujus fine particularibus modò brachii, mo-  
dò maxillæ, modò pedis spasmodicis motibus torquetur, universali  
tandem epilepsia die decimo superveniente, quæ per 3. dies dura-  
vit, paroxysmos octo instituens: Præscripta à Medico seqq.

℞. Pulv. epilept. mirab. Myns.

Marchion.

Pannon. r.

alexipharm. m. d. aa. ℥ij.

Castor. ℥j. M. f. Pulv. d. Sign. ut prior.

Mixtura itidem priori modo haurienda:

℞. Aq. pæon.

flor. tilia.

ceras. n.

card. bened.

hirund. c. castor. aa. ℥i℞.

Syr. pæon. ℥j. M. d.

℞. Extr. pæon.

castor.

ruth. aa. gr. j.

bezo-



bezoard.

Cinab. nat. aa. gr. iiij. M. f. pil. pond. gr. i. deaur.

℞. Essent. Succin.

Castor. aa. ʒj. M. d. f. Anstrich.

Vesicatoria brachiis & pedibus applicita fuerunt. Pro potu decoquatur cum prioribus visc. quern.

His medicamentis continuatis remiserunt convulsiones, maculis amplius non comparentibus, redierunt sensim vires, imminutus est calor, tandem sq. Electuar. in usum ductum:

℞. Conf. acetosell.

pœon.

rosar. damasc.

borrag. aa. ʒvj.

Nuc. Ind. cond. ʒij.

Conf. Alkerm. inc. ʒß.

Syr. rub. id. q. f. M. f. Elect. S. Latberg/ davon bisweilen ein paar Messerspitzen voll zunehmen. Et sic, per DEI Gratiam, convaluit, ut quartâ septimanâ extra lectum degere potuerit, nunc iterum actionum vigore gaudens.

### E X P O S I T I O.

### *Triune Deus dirige actiones meas.*

**E**Xantlatis proximè elapsâ septimanâ, quæ subeunda erant, examinibus, Inauguralis nunc & Solennis superest sistenda luci Disputatio. Elegia. pro Themate præfixum hunc casum, ab *Excellentiss. Dn. Præside, Patrono meo nunquam satis venerando*, communicatû, inq; eum pro temporis momentulo quod habui, pauculas tantum, ocyûs & festinante manu, cûm discessum dehinc quocunque modo maturare jubear, commentatus sum lineas. Si deproperata hæc nimis & ruditer concepta nullo modo expleant Lectoris desiderium, scio tamen institutam curam nemini non ad palatum fore.

#### Th. I.

**A**ffectus propositus est febris maligna petechialis dicta: Hoc probant recensita signa & symptomata, quæ quidem uti non omnia huic morbo essentialia sunt, ita & frequenter etiam alia, unde tot differentes species, jungi solent. Notanter a. in recensione casûs dicitur, ob grassantes hoc tempore febr. petechiales mox maculas istas petechias fuisse insignitas, equidem alias quoque in



scorbuticis, hypochondr. &c. obvias. Haud ita pridem quidam petiturus consilium Excellentiss. Dn. Præsidentem accessit, qui toto corpore lividas & nigras habuit maculas, quæ tamen petechiales non erant.

II. Est ex morbo & symptomate complicatus, ratione febris est morbus intemperiei calidæ malignæ (non dari morbos intemperiei strictè loquendo statuere quosdam Rec. non nescio) Petechiæ sunt symptoma, quod hanc malignam ab aliis distinguit.

III. Subiectum *pass.* ratione febris est totum corpus, ratione petechiarum pectus, facies (in quâ aliàs rariores) ac manus; frequentiores cæterùm in dorso, collo, thorace, lumbis, cruribus &c. *Causal.* spiritus inprimis & M. S.<sup>a</sup>, habitus corporis, adversâ tempestate afflictus, primæ viæ miasma præ aliis recipientes, aliæque partes, uterus forsan & passivè & causaliter se habuit.

IV. Causa prox. est p. n. sanguinis & spirituum motus, ebullitio, effervescentia disproportionata admodum, hinc texturam & crasin eorum singulariter & omnimodè qs. instar veneni evertens, destruens, & per cons. etiam solidas enervans. *Petechiarum*, sunt portiunculæ humorum insigniter à fermento mal. corruptorum, dictis in locis stagnantes, variè pro vario gradu turbatæ mixtionis coloratæ. Hic etsi non tò occultum, quod non ex mechanismo dependeret, agnoscam, fatendum tamen, monente hoc sæpiùs judiciosissimo Medico *Exc. Dn. Præside*, Speciale nihil determinari posse. Nec acidum coagulans, nec alcali dissolvens, nec sulphureum acrem exhaurit, nec figurarum & pororum diversitas, hinc & pertinacissimi mechanismi Patroni ad tò singulare, sui generis, ut hic & non alius effectus sequatur &c. recurrunt. Aliquando tamen magis istius vel illius, aliquando hujus redolet indolem causa, ut symptomata & variæ observationes Authorum probant. (quanquam sæpiùs pro causâ effectus habeatur) Præsenti in casu sulphureæ acres, salinæ volat. prædominari videntur, non tantum autem rodendo, rarefaciendo, ebulliando &c. sed variis modis, peculiariter elatorem & texturam fluidorum destruendo, enervando se exerentes.

V. Quî autem tale venenum primò fuerit corpori inductum, relatio casus docet: Grassabantur tum tales febres epidemicè, facile hinc contigit, ut cum aëre malignis miasmatis inquinato vel & quoad suam texturam alterato vel cum victu (solent etiam in vesti-

bus,



bus, domibus &c. latere) prima feminia & dispositionem hauserit, terroribus, tempestate pluviosâ, adversâ, defatigationibus &c. postmodum ut causis procatarticis, excitatam, exaltatam, (Sæpè solis terroribus, (ut & modò dictis) utpote quibus spiritus prosteruntur, confunduntur, variisq; modis malignitati generandæ occasio datur, imò quidam aliquando, ut notum est, pro unicâ pestis causâ habent, morbos malignos produci accidit, testante & id experientia.) Quæ omnia etsi forsan hîc non prima stamina supeditarint, tamen spiritus turbando, dejiciendo, transpirationem insens. & sensib. impediendo, pravos humores generando, cumulando, exacuendo, æstum, orgasmum inducendo, varièq; corpus ad virulentiam recipiendam disponendo periculosum causata sunt malû. Imminutio mensiû & effectus & causa potuit esse. Circa diætâ sine dubio etiam hâc in occasione varii commissi sunt errores. Reliqua prætereo. Temperamentum, quod communiter fœminis rarius, tenerius est, hîc dictis modis magis debilitatum viam etiam cum aliis malignitati aperuit. Sub grassatione prægressâ prioribus annis febrium malign. Viri & Juvenes frequentius fuere correpti quàm fœminæ, cujus forsan præcipuè inter alia & hæc ratio posset esse, quòd isti calidiori, fervidiori gaudeant sanguine & spiritibus, qui facilius æstû, effervescentiam concipiunt, fermentumq; promptius actuant, exaltant; Cùm econtrâ senes, pueri & fœminæ, etsi cæterum debiliores, sanguinem & spiritus habeant magis pituitâ sero dilutos, sicque minùs tali fovendæ malignitati aptos.

VI. Vicissim ex Patriâ per literas mihi significatum, sævire nunc ibi magis petechialem in mulieres, hasq; plerunq; rariùs viros succumbere. Ratio si exquiratur, generaliter responderi potest, determinationem illius miasmatis maligni dependere à certâ ipsius fermenti & corporis fœminini, texturâ, crassi, indole, dispositione, quâ in se invicem agere & pati apta sint. Uti e. g. pulsâ chordâ in instrumento musico, in alio vicino huic consona mox etiam tremat & sonat, immotis aliis eodem in instrumento, etsi cæterum recipiendo impetui facilioribus visis; & uti aliquando sola bruta, hæc vel illa species certo morbo, aliquando in morbis epidemicis hæc vel illa pars sola vel magis affligitur: febres malignæ, morbi epidemici certo opificio addictos homines magis adoriuntur quàm alios: Præteritâ æstate Colica spasmodica communiter simul vias



urinarias infestavit: Quædam corpora naturalia, vel medicamenta, homini, non brutis, vel contrà, cani, feli, non aliis brutis venena sunt, ita & ob certum & determinatum motum & texturam agentis patientisque determinantem receptivitatem, fœminas præ viris, maligno hoc morbo corripit. At in quo determinata hujus vel illius miasmatis peculiaris textura, modus agendi &c. ab alio differentia: hujus vel illius animalis, ab aliis speciebus, etiam individuis diversitas, idiosyncrasia consistat, determinare vix quisquam poterit, etsi nasum habeat illius, qui odoratu contagium percepit. Rationem hîc redditurus præsciat oportet omnino, miasmatis, causæ morbificæ indolem, & circa recipiens, rerum natural. p. n. & n. n. statum, de quibus, quantum scimus, ad explicanda hæc phæn. non sufficiunt, plura cognitu difficilia, multa impossibilia. Aliquando tamen major, aliquando minor est difficultas. e. g. Si cum ferofiori, teneriori, molliori magis convenit malignitati constitutione, circa non n. & p. n. peculiare quid fœminæ passæ sunt &c. facilius has quàm viros &c. invadit malum, Sed satis.

VII. Symptomata ex mox dicendis orta sunt causis. *Rigor* adscribendus particulis, acribus, aculeatis, mordacibus, sub insigni turbato motu generatis, exaltatis, secretis, fibrillas nerveas varie affligentib<sup>9</sup>, stringentibus, sicq; sanguinis & æquum motû aliter determinantibus. Unde rigoris perceptio. *Calorem* p. n. induxit velocissimus, inordinatus particularum sulphurearû cum reliquis motus, agitatio. *Cephalalgiam, Cardialgiam indicib. compressionem præcordiorum* itidem singularis particularû acrimonia, rigiditas, impetus, nimia sub æstu vasorum expansio, tensio, compressio, fibrillarum nervearum distortio, spasmodica contractio, humorum stagnatio &c. *Virium dejectionem* spirituum omnimoda quasi extinctio, humorum nimia à st. naturali desciscentia: *Sitim* humiditatis obliuentis per æstum & calorem absumptæ defectus, acrium falsarum abundantia: *Pulsus frequentem* ob spiritum & sanguinem nimis agitados & æstuentes crebra cordis irritatio & contractio: *Celerem* impetuosa spirituum velocitas, citius solito contractionem cordis causata, & pauca sanguinis intra thalamos cordis ob junctam frequentiam præsentia: *Debilem* ob spirituum defectum languida cordis contractio: *Tremores & subsultationes* spirituum, non coherenti & debito ordine influentium, continuò tamen irritatorum, cum



partium musculosarum ob depravatam humorum crasin laxitate, debilitas. Urinam tinctam reddidere, salina & sulphurea in primis particula sero incocta intimius mixta, attenuata. Nubecula vel corruptorum humorum particula, vel incipientis secretionis, vel absumentis caloris effectus est. Quæ die octavo contigere symptomata, convulsiones internæ, catalepticæ quasi invadentes, fuerunt, quas vix nisi ab Excell. Dn. Præs. de annotatas leges. Disparentibus scil. maculis, sive ad interiora retrogressis, sicque causam etiam subministrantibus, sive dissipatis vel potius ob cutis omni vigore spirituum & M.S.æ destitutæ concidentiam, flacciditatem & in primis indispositionem & cruditatem M.S.æ quæ inepta est ad ulteriorem heterogeneorum secretionem, non apparentibus, talis sub istâ excessivâ fluidorum depravatione generata fuit acrimonia, quæ vellicante fibrillas nerveas, spiritus variâ labe infecti, impuri, turbati, impetuoso ad partes ruebant motu, easq; tenfas, immobiles, perdurante irritatione reddebant. Vid. Disput. sub Excell. D. Præs. de Catalepsi. Epil. Unde oculorum q. fixitas, membrorum rigor, aphonia, quæ & ex nervi defectu haud rarò in istiusmodi casibus oritur. Potum non petiit ægra, quod spiritibus aliorum avocatis, vel turbatis, vel fibrillas nerveas eccentrico motu & influxu ita distendentibus, ut objecti species non imprimi potuerit, sitim non perceperit. Quam facilè tandem exindè in talem facta fuerit degeneratio acrimoniam, quæ motus convulsivos nunc huius, nunc illius partis, nunc totius corporis excitaret, non difficulter patet.

VIII. Prognosticon expetenti in primo accessu Medici, sine dubio responsum fuisset, signa & symptomata admodum terribilia esse & instare convulsiones. (cujus prodromi tremores) nubecula in urinâ communiter laudabile signum habetur, & dicitur post quartum diem futuram crisin indicare, cui tamen hic non fidendum. Caterum petechiales hoc tempore non magis periculosa solent esse quàm aliæ malignæ. Imò forsan aliquando, ubi non junguntur petechiæ, intimius hæret malum, morbusque periculosior est, aliquando tamè etiam de insigniori testantur malignitate. manent interim in malign. omnes prædictiones infidæ.

IX. Nunc & brevissimè adhibitam medendi methodum tangam. Medicus dictas respiciens causas & symptomata (quæ quidem sub suo formali non indicant) indicari judicavit, hostilium & totâ



totâ substantiâ peccantium commodam educationem, diminutionem, aliarum correctionem, fervoris, æstus refrenationem, temperaturam, turbatæ mixtionis correctionem, fatiscentium quum & humorum restitutionem, conservationem. Hinc primo accessu exhiberi jussit potiunculam sudoriferam probè equidem conscius, sæpius quàm optimè sudationem tempestivè institutam prodesse; tempusq; Vomit. aut V. S. i si indicantur, commodum effluxisse. Ingredientia talia in eam collegit, quæ non tantum sensibilibus & insensib. eliminando, attenuando, sed & æstum temperando, restinguendo, etiam blandâ balsamicâ vi &c. indicationi satisfacerent. Effectus sine dubio hujus sudorif. fuere altero die erumpentes petechiæ. Sudorem a. cur non Roob Sambuci & aq. Carduib. provocarint, causa forsan est, quòd nondum ad secretionem tum apta & disposita fuerit M. S. a uti nec ex musto nondum fermentato spir. v. elici potest. *Pulveres & Extracta* quæ præscripsit, constant ex alexipharm. calidis & temperatis, fixis (ut & antiepileptis) transpirationem promovendo, visus & humores vigorando, coagulationem & dissolutionem arcendo, diluendo, æstum effervescentiam restinguendo, acrimoniam, dum inviscant, obtundunt, irretiunt, graves particulas interponunt &c. mitigando. Pulvis & pilulæ posteriores magis ad convulsiones, quæ jam indicans fuere factæ, sunt directæ; Sunt autem illa antiepileptica pleraque etiam in alexipharmacorum classe. Aquæ & Emuls. scopo diluendi, refrigerandi, acrimoniam corrigendi, transpirationem promovendi &c. adhibebantur. Purgantia, ut communiter in febribus malignis, etiam hinc abesse jussit; V. S. i item tum cum Medici petebatur consilium, indicans non adfuit. De hac notabile est, quod in Patriâ meâ, uti ex literis accepi, in hujusmodi febribus frequentissimè etsi non cum levamine, tamen sine noxa fuerit instituta. Ut & ex hoc appareat, quàm non semper uniformes sint febres malignæ. Exterius usurpatæ *Essentiæ* erant pro restaurandis, & excitandis spiritibus. *Vesicatoria* educendo, spiritus avocando, in naturalem motum redigendo, insignem usum hinc præstare solent. Electuarium ad vires sensim recolligendas, blandas, roscidas, demulcentes, aromaticas moleculas subministrandas, alterandi & confortandi fine, ad prægressa directum, fuit superadditum. Potui adjecta & malignitatem & convulsiones respiciebant. Et tantum pro ratione instituti.